

唐
音
統
籤

丙籤五十九李白之十四

唐音統籤卷

一百六十四

五言古詩九

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與晴空

宜

太白詩慣押宜字如山將落日去水與晴空宜月色望不盡空天交相宜又隴浪偏相宜置酒

正相宜春風與醉客今日乃相宜凡五用而前兩宜韻爲尤佳魯酒白玉壺送行

駐金騾歇鞍憇古木解帶挂橫枝歌鼓川上亭曲

度神鷗吹

一本無以上二句却添南歌憶郢客東轉見齊姬清波忽澹蕩白雪紛遙遙

隔范杜遊此歡忽若遺六句雲歸碧海夕鴈沒青天時相失各

萬里茫然空爾思

留別魯頌

誰道泰山高下却魯連
節誰云秦軍衆摧却魯連
舌獨立天地間清風灑蘭雪
夫子還個儻攻文繼
前烈錯落石上松無爲秋霜折
贈言鏤寶刀千歲
庶不滅

留別曹南羣官之江南

我昔釣白龍放龍谿水傍道
成本欲去揮手凌蒼蒼
蒼時來不關人談笑遊軒皇
獻納少成事歸休辭
建章十年罷西笑覽鏡如秋霜
閉劍琉璃匣鍊丹
紫翠房身佩谿落圖腰垂虎
鞶囊仙人駕綵鳳志

在窮遐荒戀子四五人徘徊未翱翔東流送白日
驟歌蘭蕙芳仙宮兩無從人間久摧藏范蠡說句
踐屈平去懷王飄飄紫霞心流浪憶江鄉愁爲萬
里別復此一銜觴淮水帝王州金陵繞丹陽樓臺
照海色衣馬搖川光及此北望君相思淚成行朝
雲落夢渚瑤草空高唐帝子隔洞庭青楓滿瀟湘
懷君路縣邈覽古情淒涼登嶽眺百用杳然萬恨
長却戀峨眉去弄景偶騎羊

留別王司馬嵩

魯連賣談笑豈是顧千金陶朱雖相越本有五湖

心余亦南陽子時爲梁雨吟蒼山容偃蹇白日惜
顏侵願一佐明主功成還舊林西來何所爲孤劍
託知音鳥愛碧山遠魚遊江海深呼鷹過上蔡賣
畚向嵩岑他日閒相訪丘中有素琴

夜別張五

吾多張公子別酌酣高堂聽歌舞銀燭把酒輕羅
裳橫笛弄秋月琵琶彈陌桑龍泉解錦帶爲爾傾
千觴

魏郡別蘇明府因北遊

魏都接燕趙美女誇芙蓉淇水流碧玉舟車日奔

衝青樓夾兩岸萬室喧歌鐘天下稱豪貴遊此每

相逢

一作天下稱豪遊此中每相逢

洛陽蘇季子劍戟森詞鋒六

印雖未佩軒車若飛龍黃金數百鎰白壁有幾雙
散盡空掉臂高歌賦還叩落拓乃如此何人不相
從遠別隔兩河雲山杳千重

一作雲天滿愁容

何時更杯

酒再得論心胃

留別西河劉少府

我

一作秋

髮已種種所爲竟無成閒傾尊壺酒笑對

劉公榮謂我是方朔人間落歲坐白衣千萬乘何
事去天庭君亦不得意高歌羨鴻鸞世人若醯雞

安可識梅生雖爲刀筆吏緬懷在赤城余亦如流
萍隨波樂休自有兩少妾雙騎驥馬行東山春
酒綠歸隱謝浮名

潁陽別元丹丘之淮陰

吾將元夫子異姓爲天倫本無軒裳契素以煙霞
親嘗恨迫世網銘意俱未伸松柏雖寒苦羞逐桃
李春悠悠市朝間玉顏日緇磷所共重山嶽所得
輕埃塵精魄漸蕪穢衰老相憑因我有錦囊訣可
以持君身當餐黃金藥去爲紫陽賓萬事難並立
百年猶崇晨別爾東南去悠悠多悲辛前志庶不

易遠途期所遵已矣歸去來白雲飛天津

留別廣陵諸公

一作留別
邯鄲故人

憶昔作少年結交趙與燕金羈絡駿馬錦帶橫龍
泉寸心無疑事所向非徒然晚節覺此疎獵精草
太玄空名束壯士薄俗棄高賢中迴聖明顧揮翰
凌雲煙騎虎不敢下攀龍忽墮天還家守清真孤
潔勵秋蟬煉丹費火石乘藥窮山川臥海不關人
租稅遼東田棄興忽復起棹歌谿中船臨醉謝
疆山公欲倒轡狂歌自此別垂釣滄浪前

感時留別

從兄徐王延年從弟延陵

天籟何參差噫然大塊吹玄元苞橐籥紫氣何逶迤七葉運皇化千齡光本枝仙風生指樹大雅歌螽斯諸王若鸞蚪肅穆列藩維哲兄錫茅土聖代

含

一作羅

榮滋九卿領徐方七步繼陳思伊昔全盛

日雄豪動京師冠劍朝鳳闕樓船侍龍池鼓鐘出朱郎金翠照丹墀君王一顧盼選色獻蛾眉列戟十八年未曾輒遷移大臣小暗鳴謫竄天南垂長沙不足舞貝錦且成詩佐郡浙江西病閒絕驅馳階軒日苔蘚鳥雀噪簷帷時乘小肩輿出入畏人知北宅耶偃憩歡愉恤惇嫠羞言梁苑地炮赫耀

旌旗兄弟八九人吳秦各分離大賢達機兆豈獨
慮安危小子謝麟閣鴈行忝肩隨令弟字延陵鳳
毛出天姿清英神仙骨芬馥芷蘭畦夢得春草句
將非惠連誰深心紫河車與我特相宜金膏猶罔
象玉液尚磷緇伏枕寄賓館宛同清漳湄藥物多
見饋珍羞亦兼之誰道溟渤深猶言淺恩慈鳴蟬
遊子意促織念歸期驕陽何太赫海水爍龍龜百
川盡凋枯舟楫閣中達策馬搖涼月通宵出郊坵
泣別目眷眷傷心步遲遲願言保明德王室佇清
夷摻袂何所道援筆投此辭

唐詩續集
留別金陵諸公

海水昔飛動三龍紛戰爭鍾山危波瀾傾側駭奔
鯨黃旗一掃蕩割壤開吳京六代更霸王遺都見
空城至今秦淮間禮樂秀羣英地扇鄒魯學詩騰
顏謝名五月金陵西祖余曰下亭欲尋廬峯頂先
遶漢水行香爐紫煙滅瀑布落太清若攀星辰去
揮手緬含情

金陵白下亭留別

驛亭三楊樹正當白下門吳煙暝長條漢水齒古
浪向來送行處迴首阻笑言別後若見之爲余一

攀翻

竄夜郎於烏江留別宗十六璟

君家全盛日台鼎何陸離
斬黿翼媧皇鍊石補天維
一迴日月顧三入鳳皇池
失勢青門傍種瓜復幾時
猶會衆賓客千光路岐皇恩雪憤懣松栢

含榮滋我非東床人令姊忝齊眉
浪跡未出世空名動京師
適遭雲羅解翻謫夜郎悲拙妻
莫邪劍及此二龍隨慙君湍波苦千里遠從之
白帝曉猿

斷黃牛過客遲遙瞻明月峽西去益相思

舊注以太白娶

許相圍師孫女謂詩題別宗十六爲誤今考詩中斬黿翼媧皇三入鳳皇池是言相武后又入相三

次者固師高宗相又只相一次與不合此正是宗
楚客故實耳安得謂贈別其後人爲誤哉白凡四
娶初娶許終娶宗皆相門女見魏顥
白集叙中舊注之失考往往如是

將遊衡嶽過漢陽雙松亭留別族弟浮屠談
皓

秦欺趙氏璧却入邯鄲宮本是楚家玉還來荆山
中丹彩照滄溟清輝凌白虹青蠅一相點流落此
時同卓絕道門秀談玄乃支公延蘿結幽居翦竹
繞芳叢涼花拂戶牖天籟鳴虛空憶我初來時荀
荀開景風今茲大火落秋葉黃梧桐水色夢沅湘
長沙去何窮寄書訪衡嶠但與南飛鴻

留別賈舍人至二首

大梁白雲起飄飄來南洲徘徊蒼梧野十見羅浮
秋鰲挾山海傾四溟揚洪流意欲托孤鳳從之摩
天遊鳳苦道路難翱翔還崑丘不肯銜我去哀鳴
慙不周一作留遠客謝主人明珠難暗投拂拭倚天
劍西登岳陽樓長嘯萬里風掃清胸中憂誰念劉
越石化爲繞指柔

秋風吹胡霜凋此簷下芳折芳怨歲晚離別悽以
傷謬攀青瑣賢延我於此堂君爲長沙客我獨之
夜郎勸此一杯酒豈惟道路長割珠兩分贈寸心

貴不忘何必兒女仁相看淚成行

聞李太尉大舉秦兵百萬出征東南懦夫請
纓冀申一割之用半道病還留別金陵崔侍

御十九韻

秦出天下兵蹴踏燕趙傾黃河飲馬竭赤羽連天
明太尉仗旄鉞雲旗繞彭城三軍授號令千里肅
雷霆函谷絕飛鳥武關擁連營意在斬巨鼉何論

鯢典鯨

一作膾長鯨

恨無左車客多愧魯連生拂劍照

嚴霜雕戈鬣胡纓願雪會稽恥將期報恩榮半道
謝病還無因東南征亞夫未見顧劇孟阻先行天

奪壯士心長吁別吳京金陵過太守倒屣欣一作相
適迎羣公咸祖饯四座羅朝英初發臨滄觀醉樓
征虜亭舊國見秋月長江流寒聲帝車信迴轉河
漢復縱橫孤鳳向西海飛鴻辭北溟因之出寥廓
揮手謝公卿

別韋少府

西山蒼龍門南登白鹿原欲尋商山皓猶戀漢皇
恩水國遠行邁仙經深討論洗心向秋月清耳敬
亭猿築室在人境閉關無世喧多君枉高駕贈我
良繆言交乃意氣合道因風雅存別離有相思瑤

瑟與金樽

贈別王山人歸布山

王子新道論微言破秋毫還歸布山隱興入天雲
高爾去安可遲瑶草恐衰歇我心亦懷歸屢夢松
上月傲然遂獨往長嘯開巖扉林壑久已蕪石道
生薔薇願言弄笙鶴歲晚來相依

送王屋山人魏萬還王屋

并序

王屋山人魏萬云自嵩宋沿吳相訪數千里不
遇棄與遊台越經永嘉觀謝公石門後於廣陵
相見美其愛文好古浪跡
方外因述其行而贈是詩

仙人東方生浩蕩弄雲海沛然乘天遊獨往失所

在首四句一作東方不辭家獨訪紫泥海時人少相逢往往失所在魏侯繼大名

本家聊攝城卷舒入元化跡與古賢并十三弄文
史揮筆如振綺辯折田巴生心齊魯連子西涉清
洛源頗驚人世喧采秀臥王屋因窺洞天門竭來
遊嵩峯羽客何雙雙朝攜月光子暮宿玉女窻鬼
谷上窈窕龍潭下奔淥東浮汴河水訪我三千里
逸興滿吳雲飄飄浙江汜揮手杭越間樟亭望潮
還濤捲海門石雲橫天際山白馬走素車雷奔駭
心顏遙聞會稽美且度耶谿水萬壑與千巖崢嶸
鏡湖裏秀色不可名清輝滿江城人遊月邊去舟

在空中行此中久延佇入剡尋王許笑讀曹娥碑
沈吟黃絹語天台連四明日入向國清五峯轉月
色百里行松聲靈谿恣沿越華頂殊超忽石梁橫
青天側足履半月眷然思永嘉不憚海路賒挂席
歷海嶠迴瞻赤城霞赤城漸微沒孤嶼前嶢兀水
續萬古流亭空千霜月縉雲川谷難石門最可觀
瀑布挂北斗莫窮此水端噴壁灑素雪空濛生晝
寒却尋惡谿去寧懼惡谿咆哮七十灘水石相
噴薄路創李北海巖開謝康樂松風和猿聲搜索
連洞壑徑出梅花橋雙谿納歸潮落帆金華岸赤

松若可招沈約八詠樓城西孤岩崑崙四荒外
曠望羣川會雲卷天地開波連浙西大亂流新安
口北指嚴光瀨釣臺碧雲中邈與蒼嶺對稍稍來
吳都徘徊上姑蘇煙絲橫九疑漭蕩見五湖目極
心更遠悲歌但長吁迴橈楚江濱揮策楊子津身

着日本裘

自注裘則朝卿所贈日本布爲之

昂藏出風塵五月造

我語知非僿

一作怡

擬人相逢樂無限水石日在眼

徒干五諸侯不致百金產吾友楊子雲絃歌播清
芬雖爲江寧宰好與山公羣乘興但一行且知我
愛君君來幾何時仙臺應有期東窻綠玉樹定長

三五枝至今天壇人當笑爾歸遲我苦昔遠別茫
然使心悲黃河若不斷白首長相思

送當塗趙少府赴長蘆

我來揚都市送客回輕舠因誇吳太子便覩廣陵
濤仙尉趙家玉英風凌四豪維舟至長蘆目送煙
雲高搖扇對酒樓持袂把蟹螯前途儻相思登嶽
一長謠

送友人遊梅湖

送君遊梅湖應見梅花發有使寄我來無令紅芳
歇暫行新林浦定醉金陵月莫惜一鴈書音塵坐

胡越

送崔十二遊天竺寺

還聞天竺寺夢想懷東越
每年海樹霜桂子落秋
月送君遊此地已屬流芳歇
待我來歲行相隨浮
溟渤

送楊山人歸天台

客有思天台東行路超忽
濤落浙江秋沙明浦陽
月今遊方厭楚昨夢先歸越
且盡秉燭歡無辭凌
晨發我家小阮賢剖竹赤城邊
詩人多見重官燭
未曾然興引登山履情催
渡海船石橋如可渡攜

手弄雲煙

送溫處士歸黃山白鷺峯舊居

黃山四千仞三十二蓮峯丹崖夾石柱菡萏金芙蓉
伊昔昇絕頂下窺天目松仙人鍊玉處明化留
餘蹤亦聞溫伯雪獨往今相逢采秀辭五嶽攀巖
歷萬重歸休白鷺嶺渴飲丹井鳳吹我時來雲
車爾當整去去陵陽東行行芳桂叢迴谿十六度
碧嶂盡晴空他日還相訪乘橋躡彩虹

送方士趙叟之東平

長桑曉洞視五藏無全牛趙叟得秘訣還從方士

遊西過獲麟臺爲我弔孔丘念別復懷古潛然空
淚流

送韓準裴政孔巢父還山

獵客張兔罝不能挂龍虎所以青雲人高歌在巖
戶韓生信英彥裴子含清真孔侯復秀出俱與雲
霞親峻節凌遠松同衾臥盤石斧冰漱寒泉三子
同二屐時時或乘興往往雲無心出山揖牧伯長
嘯輕衣簪昨宵夢裏還云弄竹谿月今晨東魯門
帳飲與君別雪崖滑去馬蘿徑迷歸人相思若煙
草歷亂無冬春

送楊少府赴選

大國置衡鏡準平天地心羣賢無邪人朗鑒窮清
深吾君詠南風袞冕彈鳴琴時燕多英士京國會
纓簪山苗落礪底幽松出高岑夫子有盛才主司
得球琳流水非鄭曲前行遇知音衣工翦綺繡一
悞傷千金何惜刀尺餘不裁寒女衾我非彈冠者
感別但開襟空谷無白駒賢人豈悲吟大道安棄
物時來或招尋爾見山吏部當應無陸沉

對雪奉餞任城六父秩滿歸京

龍虎謝鞭策鸛鷺不司晨君看海上鶴何似籠中

鵬獨用天地心浮雲乃吾身雖將簪組狎若與煙霞親季父有英風白眉超常倫一官超夢寐脫屣歸西秦竇公敞華筵墨客盡來臻燕歌落胡鴈郢曲迴陽春征馬百度嘶遊車動行塵躊躇未忍去戀此四座人餞離駐高駕惜別空殷勤何時竹林下更與步兵鄰

魯郡堯祠送吳五之瑯琊

堯沒三千歲青松古廟存送行奠桂酒拜舞清心寬日色促歸人連歌倒芳樽馬嘶俱醉起分手更何言

金鄉送韋八之西京

客自長安來還歸長安去狂風吹我心西挂咸陽
樹此情不可道此別何時遇望望不見君連山起
煙霧

劉辰翁云同是瞻望
不及之意能者自然

送薛九被讒去魯

宋人不辨玉魯賤東家丘我笑薛夫子胡爲兩地
遊黃金銷衆口白璧竟難投梧桐生蒺藜綠竹乏
佳實鳳凰宿誰家遂與羣雞匹田家養老馬窮士
歸其門蛾眉笑蹙者賓客去平原却斬美人首三
千還駿奔毛公一挺劒楚趙兩相存孟嘗悅狡兔

三窟賴馮諼信陵奪兵符爲用侯生言春申一何
愚刎首爲李園賢哉四公子撫掌黃泉裏借問笑
何人笑人不好士爾去且勿誼桃李竟何言沙丘
無漂母誰肯飯王孫

送族弟凝至晏堦

自注單父三十里

雪滿原野白戎裝出盤遊揮鞭布獵騎四顧登高
丘兔起馬足間蒼鷹下平疇喧呼相馳逐取樂銷
人憂拾此戒禽荒徵聲列齊謳鳴雞發晏堦別鴈
驚淶溝西行有東音寄與長河流

魯城北郭曲腰桑下送張子還嵩陽

送別枯桑下凋葉落空我行憫道遠爾獨知天
風誰念張仲蔚還依蒿與蓬何時一杯酒更與李
膺同

送魯郡劉長史遷弘農長史

魯國一杯水難容橫海鱗仲尼且不敬况乃尋常
人白玉換斗粟黃金買尺薪閉門木葉下始覺秋
非春聞君向西遷地卽鼎湖鄰寶鏡匣蒼蘚丹經
埋素塵軒后上天時攀龍遺小臣及此留惠愛庶
幾風化淳魯編如白煙五緱不成束臨行贈貧交
一尺重山嶽相國齊晏子贈行不及言託陰當櫛

李忘憂當樹萱他日見張祿綈袍懷舊恩

送族弟單父主簿凝攝宋城主簿至郭南月
橋却迴棲霞山留飲贈之

吾家青萍劍操割有餘明往來糾二邑此去何時
還鞍馬月橋南光輝岐路
子晨相追餞却到樓
霞山羣花散芳園斗酒開離顏樂酣相顧起征馬
無由攀

丙籤五十九李白之十五

唐音統籤卷

一百六十五

五言古詩十

魯郡東石門送杜二甫

醉別復幾日登臨徧池臺何時石門路重有金樽
開秋波落泗水海色明徂徠飛蓬各自遠且盡手
中杯

魯郡堯祠送張十四遊河北

猛虎伏尺草雖藏難蔽身有如張公子骭髀在風
塵豈無橫腰劍屈彼淮陰人擊筑向北燕燕歌易
水濱歸來太山上當與爾爲鄰

送張遙之壽陽幕府

壽陽信天險天險橫荆關符堅百萬衆遙阻八公
山不假築長城大賢在其間戰夫若熊虎破敵有
餘閒張子勇且英少輕衛霍倂投軀紫髯將千里
望風顏勗爾効才畧功成衣錦還

送裴十八圖南歸嵩山二首

何處可爲別長安青綺門胡姬招素手延客醉金
樽臨當上馬時我獨與君言風吹芳蘭折日沒鳥
雀喧舉手指飛鴻此情難具論同歸無早晚潁水
有清源

君思潁水綠忽復歸嵩岑歸時莫洗耳爲我洗其
心洗心得真情洗耳徒賣名謝公終一起相與濟
蒼生

同王昌齡送族弟襄歸桂陽

一作同王昌齡
崔國輔送李舟

歸郴
州

秦地見碧草楚謠對清樽把酒爾何思鷓鴣啼南
園余欲羅浮隱猶懷明主恩躊躇紫宮戀孤負滄
洲言終然無心雲海上同飛翻相期乃不淺幽桂
有芳根

送于十八應四子舉落第還嵩山

老莊列文
四子唐以

其經
設科

吾祖吹橐籥天人信森羅歸根復太素羣動熙元
和炎炎四真人摛辯若濤波交流無時寂楊墨日
成科

劉少彝云楊
墨疑作副墨

夫子聞洛誦誇才才故多爲金

好踊躍久客方蹉跎道可束賣之五寶溢山河勸
君還嵩丘開酌眎庭柯三花如未落乘興一來過
送張秀才從軍

六駁食猛虎恥從驚馬羣一朝長鳴去矯若龍行
雲壯士懷遠畧志存解世紛周粟猶不顧齊珪安
肯分抱劍辭高堂將投崔冠軍長策掃河洛寧親

歸汝墳當令千古後麟閣著奇勲

送崔度還吳

自注度故人禮部員外輔國之子

幽燕沙雪地萬里盡黃雲朔吹歸秋鴈南飛日幾羣
中有孤鳳雛哀鳴九天聞我乃重此烏綵章五色分
胡爲雜凡禽雞鶩輕賤君舉手捧爾足疾心若火焚拂
羽淚滿面還之吳江濱去影忽不見躊躇日將曛

魯中送二從弟赴舉之西京

一作送族弟鎰

魯客向西笑君門若夢中霜凋逐臣髮日憶明光宮
復羨二龍去才華冠世雄平衢騁高足逸翰凌

長風舞袖拂秋月歌筵聞早鴻送君日千里良會何由同

送楊燕之東魯

關西楊伯起漢日舊稱賢四代五公族

楊齊賢訂爲三公應

從清風播人天夫子華陰居開門對玉蓮何事歷

衡霍雲帆今始還君坐稍解顏爲君歌此篇我固侯門士謬登聖主筵一辭金華殿贈蹬長江邊二子魯門東別來已經年因君此中去不覺淚如泉

送蔡山人

我本不棄世世人自棄我一乘無倪舟八極縱遠

拖燕客期躍馬唐生安可議採珠勿驚龍大道可
暗歸故山有松月遲爾翫清輝

送楊山人歸嵩山

我有萬古宅嵩陽玉女峯長留一片月挂在東谿

松

劉云超然天地間可以不死豈獨不經人道哉

爾去掇仙草菖蒲花紫

茸歲晚或相訪青天騎白龍

五六一作送君行到此餐霞駐衰容

送岑徵君歸鳴皋山

岑公相門子雅望歸安石奕世皆夔龍中台竟三
拆至人達機兆高揖九州伯柰何天地間而作隱
淪客貴道能全真潛輝臥幽鱗探玄入窅默觀化

遊無垠光武有天下嚴陵爲故人雖登洛陽殿不
屈巢由身余亦謝明主今稱偃蹇臣登高覽萬古
思與廣成鄰蹈海寧受賞還山非路遠回來一掃
扇共拂元規塵

送范山人歸太山

魯客抱白鷄

一作鶴

別余往泰山初行若片雪

一作雲

杳在青崖間高高至天門海日

一作日觀

近可攀雲山

望不及此去何時還

送通禪師還南陵隱靜寺

我聞隱靜寺山水多奇蹤巖種朗公橘門深杯渡

松道人制猛虎振錫還孤峯他日南陵下相期谷口逢

江上送女道士褚三清遊南嶽

吳江女道士頭戴蓮花巾霓裳不濕雨特異陽臺神足下遠遊履凌波生素塵尋仙向南嶽應見魏夫人

送張秀才謁高中丞

并序

余時繫尋陽獄中正讀留侯傳秀才張孟熊藏滅胡之策將之廣陵謁高中丞余嘉子房之風感激於斯人因作是詩以送之

秦帝淪玉鏡

一作六雄
滅金虎

留侯降氛氲感激黃石老

經過滄海君壯士揮金槌報譽六國聞智勇冠終
古蕭陳難與羣兩龍爭圖時天地動風雲酒酣
橫舞長劍倉卒解漢紉宇宙初倒懸鴻溝勢將分
英謀信奇絕夫子揚清芬一作天子稱卓絕是然繼清芬胡月入
紫微三光亂天文高公鎮淮海談笑却妖氛採爾
蘇中畫戡難光殊勲我無燕霜感玉石俱燒焚但
灑一行淚臨岐竟何云

尋陽送弟昌峒都陽司馬作

桑落洲渚連滄江無雲煙尋陽非剡水忽見子猷
船飄然欲相近來過青若仙人乘海山月帆落湖

中天一覩無二諾朝歡更勝昨爾則吾惠連吾非
爾康樂朱紱白銀章上官佐鄱陽松門拂中道石
鏡迴清光搖扇及干越水亭風氣涼與爾期此亭
期在秋月滿時過或未來兩鄉心已斷吳山對楚
岸彭蠡當中州相思定如此有窮盡年愁

餞校書叔雲

少年費白日歌笑矜朱顏不知忽已老喜見春風
還惜別且爲歡徘徊桃李間看花美酒聽鳥臨
晴山向晚竹林寂無人空閉關

洞庭醉後送絳州呂使君果流澧州

昔別若夢中天涯忽相逢洞庭破秋月縱酒開愁
容贈劍刻玉字延平兩蛟龍送君不盡意書及鴈
迴峯

送趙判官赴黔府中丞叔幕

廓落青雲心結交黃金盡富貴翻相忘令人忽自
哂蹭蹬鬢毛斑盛時難再還巨源咄石生何事馬
蹄間綠蘿長不厭却欲還東山君爲魯曾子拜揖
高堂裏叔繼趙平原偏承明主恩風霜推獨坐旌
節鎮雄藩虎士秉金鉞蛾眉開玉樽才高幕下去
義重林中言水宿五谿月霜啼三峽猿東風春草

綠江上候歸軒

江夏祖送友人

雪點翠雲裘送君黃鶴樓黃鶴振玉羽西飛帝王
州鳳無琅玕食何以贈遠遊徘徊相顧影波下漢
江流

江西送友人之羅浮

桂水分五嶺衡山朝九疑鄉關渺安在流浪將何
之素色愁明朝秋渚晦寒姿曉昔紫芳意已過黃
髮期

江淹詩綠紫芳心
李善曰紫芳紫芝也君王縱疎散雲壑借巢

夷翻去之羅浮我還愁峨眉中澗道萬里霞月遙

相思如尋楚在子瓊樹有芳枝

宣城送劉副使入秦

君卽劉越石雄豪冠當時淒清橫吹曲慷慨扶風
詞虎嘯俛騰躍雞鳴遭亂離千金市駿馬萬里逐
王師結交樓煩將侍從羽林兒統兵捍吳越豺虎
不敢窺大勲竟莫叙已過秋風吹秉鉞有季公凜
然負英姿寄深且戎幕望重必台司感激一然諾
縱橫兩無疑伏秦歸北關鳴騶忽西馳列將咸出
祖英繁惜分離斗酒滿四筵歌嘯宛谿湄君攜東
山妓我詠北門詩貴賤交不易恐傷中國葵

古詩
採葵

莫傷根結
交莫羞貧

昔贈紫駟駒今傾白玉卮同歡萬斛酒

未足解相思此別又千里秦吳眇天涯月明關山
苦水劇隴頭悲借問幾時還春風入黃池無令長
相思折斷綠楊枝

涇川送族弟錞

涇川三百里若耶羞見之錦石照碧山兩邊白鷺
鷗佳境千萬曲客行無歇時上有琴高水下有陵
陽祠仙人不見我明月空相知問我何事來盧敖
結幽期蓬山振雄筆繡服揮清詞江湖發秀色草
木含榮滋置酒送惠連吾家稱白眉愧無海嶠作

敢闕河梁詩見爾復幾朝俄然告將離中流漾彩
鷁列岸叢金羈歎息蒼梧鳳分棲瓊樹枝清晨各
飛去飄落天南垂望極落日盡秋深瞑猿悲寄情
與流水但有長相思

五松山送殷淑

秀色發江左風流柰若何仲文了不還獨立揚清
波載酒五松山頽然白雲歌中天度落月萬里遙
相過撫酒惜此月流光畏蹉跎明日別離去連峯
鬱嵯峨

送崔氏昆季之金陵

放

一作吳

歌倚東樓行子期曉發秋風渡江來吹落

山上月主人出美酒滅燭延清光二崔向金陵安
得不盡觴水客弄歸棹雲帆卷輕霜扁舟敬亭下
五兩先飄揚峽石入水花碧流日更長思君無歲
月西笑阻河梁

題瓜州新河餞族叔舍人賁

齊公鑿新河萬古流不絕豐功利生人天地同朽
滅兩橋對雙閣芳樹有行列愛此如甘棠誰云敢
攀折吳關倚北固天險自茲設海水落斗門潮平
見沙汭我行送季父弭棹徒流悅楊花滿江來疑

是龍山雪惜此林下興愴爲山陽別瞻望清路塵
歸來空寂茂

與周剛清谿玉鏡潭宴別

自注潭在秋浦桃樹陂下予新名此

潭

康樂上官去永嘉遊石門江中有孤嶼千載跡猶
存我來憇秋浦三入桃陂源千峰照積雪萬壑盡
啼猿興與謝公合文因周子論掃厓去落葉席月
開清樽谿當大樓南谿水正南奔迴作玉鏡潭澄
明洗心寬此中得佳境可以絕囂喧清夜方歸來
酣歌出平原別後經此地爲余謝蘭蓀

登黃山凌歊臺送族弟溧陽尉濟充泛舟赴
華陰

鸞乃鳳之族翱翔紫雲霓文章輝五色雙在瓊樹
棲一朝各飛去鳳與鸞俱啼炎赫五月中朱曦爍
河隄爾從泛舟役使我心寬悽秦地無草木南雲
喧鼓鼙君王減玉膳早起思鳴鷄漕引救關輔疲
人免塗泥宰相作霖雨農夫得耕犁靜者伏草間
羣才滿金閨空手無壯士窮居使人低送君登黃
山長嘯倚天梯小舟若鳬鴈大舟若鯨鯢開帆散
長風舒卷與雲齊日入牛渚晦蒼然夕煙迷相思

定何許杳在洛陽西

洗脚亭

此係送行詩題
有逸字耳叙此

白道向姑熟紅亭臨道傍前有昔時井下有五丈
牀樵女洗素足行人歇金裝西望白鷺洲蘆花似
朝霜送君此時去回首淚成行

代別情人

清水本不動桃花發岸傍桃花弄水色波蕩搖春
光我悅子容豔子傾我文章風吹綠琴去曲度紫
鴛鴦昔作一水魚今成兩枝鳥哀哀長雞鳴夜夜
達天曉起折相思樹歸贈知寸心覆水不可收行

雲難重尋天涯有度鳥莫絕瑤華音

答族姪僧中孚贈玉泉仙人掌茶

并序

余聞荊州玉泉寺近清谿諸山洞往往有乳窟窟中多玉泉交流中有白蝙蝠大如鴉按仙經蝙蝠一名仙鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常採而飲之年八十餘歲顏色如桃花而此茗清香滑熟異於他者所以能還童振枯扶人壽也余遊金陵見宗僧中孚示余茶數十片奉然重疊其狀如手號爲仙人掌茶蓋新出乎玉泉之山曠古未覩因持之見遺兼贈詩要余答之遂有此作後之高僧大隱知仙人掌茶發乎中孚禪子及青蓮居士李白也

嘗聞玉泉山洞多乳窟仙鼠如白鴉倒懸清谿月茗生此中石玉泉流不歇根柯灑芳津采服潤

肌骨楚一作叢老卷綠葉枝枝相接連曝成仙人掌

似拍洪崖肩舉世未見之其名定誰傳宗英乃禪
伯投贈有佳篇清鏡燭無鹽顧慙西子妍朝坐有
餘興長吟播諸天

魯東門觀刈蒲

魯國寒事早初霜刈渚蒲揮鎌若轉月拂水生連
珠此草最可珍何必貴龍鬚織作玉牀席欣承清
夜娛羅衣能再拂不畏素塵蕪

嵩山采菖蒲者

神人多古貌雙耳下垂肩嵩嶽逢漢武疑是九疑

仙我來采菖蒲服食可延年言終忽不見滅影入

雲煙喻帝竟莫悟終歸茂陵田

神仙傳初漢武上嵩山有仙人教以

服菖蒲一寸九節者可長生帝採服三年覺悶而止有城陽人王興本無學道意聞仙人以教武帝採服之不息遂得長生

湖邊采蓮婦

小姑織白紵未解將人語大嫂采芙蓉谿湖千萬重長兄行不在莫使外人逢願學秋胡婦貞心比古松

詠鄰女東牕海石榴

魯女東牕下海榴世所希珊瑚映綠水未足比光

月音系金
輝清香隨風發落日好鳥歸願爲東南枝低舉拂
羅衣無由共攀折引領望金扉

南軒松

南軒有孤松柯葉自緜冪清風無閒時瀟灑終日
夕陰生古苔綠色染秋煙碧何當凌雲霄直上數
千尺

詠桂

世人種桃李皆在金張門攀折爭捷徑及此春風
暄一朝天霜下榮耀難久存安知南山桂綠葉垂
芳根清陰亦可託何惜樹君園

詠槿

園花笑芳年池草豔春色猶不如槿花嬋娟玉階側
芬榮何天促零落在瞬息豈若瓊樹枝終歲長
翕然

贈黃山胡公求白鵬

并序

聞黃山胡公有雙白鵬蓋是家雞所伏自小馴狎了無驚猜以其名呼之皆就掌取食然此鳥耿介尤難畜之余平生酷好竟莫能致而胡公輟贈於我唯求一詩聞之欣然適會宿意因援筆三叫文不加點以贈之

請以雙白璧買君雙白鵬白鵬白如錦白雪恥容顏
照影玉潭裏刷毛琪樹間夜棲寒月靜朝步落

花開我願得此鳥玩之坐碧山胡公能輟贈寵寄
野人還

白田馬上聞鶯

黃鸝啄紫椹五月鳴桑枝我行不記日誤作陽春
時蠶老客來歸白田已繅絲驅馬又前去捫心空
自悲

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上
春瑤草綠未衰攀翻寄情親相思兩不見流淚空
盈巾

月夜聽盧子順彈琴

閉夜坐明月幽人彈素琴忽聞悲風調宛若寒松
吟白雪亂纖手淶水清虛心鍾期久已沒世上無
知音

金陵聽韓侍御吹笛

韓公吹玉笛個儻英音風吹繞鍾山萬壑皆龍
吟王子停鳳管師襄掩瑤琴餘韻渡江去天涯安
可尋

秋浦清谿雪夜對酒客有唱山鷓鴣者

披我貂襜褕對君白玉壺雪花酒上滅頓覺夜寒

無客有桂陽至能吟山鷓鴣清風動牕竹越鳥起
相呼持此足爲樂何煩笙與箏

求崔山人百丈崖瀑布圖

百尺素崖裂四山丹壁開龍潭中噴射晝夜生風
雷但見瀑泉落如深雲漢來聞君寫真圖島嶼備
縈迴石黛刷幽草曾青澤古苔幽絨儻相傳何必
向天台

望禪師房觀山海圖

真僧閉精宇滅跡含達觀列障圖雲山攢峰入霄
漢丹崖森在目清晝疑卷幔蓬壺來軒牕瀛海入

几案煙濤爭噴薄，島嶼相凌亂。征帆飄空中，瀑水灑天半。崢嶸若可陟，想像徒盈歎。杳與真心冥，遂諧靜者翫。如登赤城裏，揭步滄洲畔。卽事能娛人，從茲得蕭散。

自溧水道哭王炎

白楊雙行行，白馬悲路傍。晨興見曉月，更似發雲陽。溧水通吳關，逝川去未央。故人萬化盡，閉骨茅山岡。天上墜玉棺，泉中掩龍章。名飛日月上，義與風雲翔。逸氣竟莫展，英圖俄天傷。楚國一老人，來嗟龔勝亡。有言不可道，雪泣憶蘭茝。

憶崔郎中宗之遊南陽遺吾孔子琴撫之潸然感舊

昔在南陽城唯餐獨山蕨憶與崔宗之白水弄素
月時過菊潭上縱酒無休歇泛此黃金花顏然清
歌發一朝摧玉樹生死殊飄忽留我孔子琴琴存
人已歿誰傳廣陵散但哭印山骨泉戶何時明長
掃一作歸狐兔窟

丙籤六十李白之十六

唐音統籤卷十

一百六

七言古詩

侍從宜春苑奉詔賦龍池柳色初青聽新鶯
百轉歌

東風已綠瀛洲草紫殿紅樓覺春好池南柳色半
青青縈煙裊娜拂綺城垂絲百尺挂雕楹上有好
鳥相和鳴間關早得春風情春風卷入碧雲去千
門萬戶皆春聲是時君王在鎬京五雲垂暉耀紫
清仗出金宮隨日轉天迴玉輦繞花行始向蓬萊
看舞鶴還過蒨若聽新鶯新鶯飛繞上林苑願入

簫韶雜鳳笙

思邊

去年何時君別妾南園綠草飛蝴蝶
令歲何時妾憶君西山白雪暗秦雲
玉關去此三千里欲寄音書那得聞

怨情

新人如花雖可寵故人似玉由來重
花性飄揚不自持玉心皎潔終不移
故人昔新今尚故還見新人有故時
請看陳后黃金屋寂寂珠簾生網絲

把酒問月

自注故人賈淳令余問之

青天有月來幾時我今停杯一問之人攀明月不
可得月行却與人相隨皎如飛鏡臨丹闕綠煙滅
盡清輝發但見宵從海上來寧知曉向雲間沒白
兔擣藥秋復春嫦娥孤棲與誰鄰今人不見古時
月今月曾經照古人古人今人若流水共看明月
皆如此唯願當歌對酒時月光長照金樽裏

江上吟

木蘭之枻沙棠舟玉簫金管坐兩頭美酒樽中置
千斛載妓隨波任去留仙人有待乘黃鶴海客無
心隨白鷗屈平詞賦懸日月楚王臺榭空山丘興

酙落筆搖五嶽詩成嘯傲凌滄洲功名富貴若長
在漢水亦應西北流珠滴

鸚鵡洲

鸚鵡來過吳江水江上洲傳鸚鵡名鸚鵡西飛隴
山去芳洲之樹何青青煙開蘭葉香風煖岸夾桃
花錦浪生遷客此時徒極目長洲孤月向誰明

金陵城西樓月下吟

金陵夜寂涼風發獨上高樓望吳越白雲映水搖
空城白露垂珠滴秋月月下沈吟久不歸古來相
接眼中稀解道澄江淨如練令人長憶謝玄暉

勞勞亭歌

亭在江寧縣南十五里古送別之所

金陵勞勞送客堂
蔓草離離生道傍
古情不盡東流水
此地悲風愁白楊
我乘素舸同康樂
朗詠清川飛夜霜
昔聞牛渚吟五章
今來何謝袁家郎
苦竹寒聲動秋月
獨宿空簾歸夢長

清川飛夜霜疑引謝詩今謝集

無此句或亡之耳

述德兼陳情上哥舒大夫

天爲國家孕英才
森森矛戟擁靈臺
浩蕩深謀噴江海
縱橫逸氣走風雷
丈夫立身有如此
一呼三軍皆披靡
衛青謾作大將軍
白起真成一豎子

上大

師只此數言亦太潦草矣讀
杜老長律方知其得體也

上李邕

大鵬一日同風起搏搖直上九萬里假令風歇時
下來猶能簸却滄溟水世人見我恒殊調聞余大
言皆冷笑宣父猶能畏後生丈夫未可輕年少

幽谷行上新平長史兄粲

幽谷稍稍振庭柯涇水浩浩揚湍波哀鴻酸嘶暮
聲急愁雲蒼慘寒氣多憶昨去家此爲客荷花初
紅柳條碧中宵出飲三百杯明朝歸揖二千石寧
知流寓變光輝胡霜蕭颯繞客衣寒灰寂寞憑誰

煖落葉飄揚何處歸吾兄行樂窮燠旭滿堂有美
顏如玉趙女長歌入彩雲燕姬醉舞嬌紅燭狐裘
獸炭酌流霞壯士悲吟寧見嗟前榮後枯相翻覆
何惜餘光及棣華

駕去溫泉後贈楊山人

少年落魄楚漢間風塵蕭瑟多苦顏自言管葛竟
誰許長吁莫錯還閉關一朝君王垂拂拭剖心輸
丹雪胷臆忽蒙白日回景光直上青雲生羽翼幸
陪鸞輦出鴻都身騎飛龍天馬駒王公大人借顏
色金章紫綬來相趨當時結交何紛紛片言道合

惟有君待吾盡節報明主然後相攜臥白雲

走筆贈獨孤駙馬

都尉朝天躍馬歸香風吹人花亂飛銀鞍紫鞵照
雲日左顧右眄生光輝是時僕在金門裏待詔公
車謁天子長揖蒙垂國士恩壯心剖出酬知己一
別蹉跎朝市間青雲之交不可攀儻其公子重回
顧何必侯嬴長抱關

醉後贈從甥高鎮

馬上相逢揖馬鞭客中相見客中憐欲邀擊筑悲
歌飲正值傾家無酒錢江東風光不借人枉殺落

花空自春黃金逐手快意盡昨日破產今朝貧丈
夫何事空嘯傲不如燒却頭上巾

亦本於陶潛空負頭上巾句

君爲進士不得進我被秋霜生旅鬢時清不及英
豪人三尺童兒重廉藺匣中盤劒裝鱗魚閑在腰
間未用渠且將換酒與君醉醉歸託宿吳鐔諸

贈漢陽輔錄事

鸚鵡洲橫漢陽渡水引寒煙沒江樹南浦登樓不
見君君今罷官在何處漢口雙魚白錦鱗令傳尺
素報情人其中字數何多少祇是相思秋復春

流夜郎贈辛判官

昔在長安醉花柳五侯七貴同杯酒氣岸遙凌豪
士前風流肯落他人後夫子紅顏我少年章臺走
馬着金鞭文章獻納麒麟殿歌舞淹留玳瑁筵與
君自謂長如此寧知草動風塵起函谷忽驚胡馬
來秦宮桃李向胡開我愁遠謫夜郎去何日金雞
放赦回

向胡開一作向明開楊注以爲指當時受
祿山僞署諸人瀟注以爲世亂朝士不次
被用皆非也詳其語意
斥宮閭第非所宜言耳

江上贈竇長史

漢求季布魯朱家楚逐伍胥去章華萬里南遷夜
郎國三年歸及長風沙聞道青雲貴公子錦帆遊

戲西江水人疑天上坐樓船水淨霞明兩重綺相
約相期何太深棹歌搖艇月中尋不同珠履三千
客別欲論交一片心

贈潘侍御論錢少陽

繡衣柱史何昂藏鐵冠白筆橫秋霜三軍論事多
引納堦前虎士羅千將雖無二十五老者且有一
翁錢少陽眉如松雪齊四皓調笑可以安儲皇君
能禮此最下士九州拭目瞻清光

說苑介子推年
十五相荆仲尼

使人往視廊下有二十五
俊士堂上有二十五老人

對雪醉後贈王歷陽

有身莫犯飛龍鱗有手莫辦猛虎鬚君看昔日汝
南市白頭仙人隱玉壺子猷聞風動牕竹相邀共
醉杯中綠歷陽何異山陰時白雪飛花亂人目君
家有酒我何愁客多樂酣秉燭遊謝尚自能鸛鶴
舞相如免脫鷦鷯裘清晨一作罷鼓棹過江去千里
相思明月樓一作他日西看却月樓

示金陵子

金陵城東誰家子竊聽琴聲碧牕裏落花一片天
上來隨人直渡西江水楚歌吳語嬌不成似能未
能最有情謝公正要東山妓攜手林泉處處行

春日獨坐寄鄭明府

燕麥青青遊子悲
河堤弱柳鬱金枝
長條一拂春風去
盡日飄揚無定時
我在河南別離久
那堪坐此對窓牖
情人道來竟不來
何人共醉新豐酒

早春寄王漢陽

聞道春還未相識
走傍寒梅訪消息
昨夜東風入

武昌

一作陽

陌頭楊柳黃金色
碧水浩浩雲茫茫
美人不來空斷腸
預拂青山一片石
與君連日醉壺觴

觴

涇谿東亭寄鄭少府諤

我遊東亭不見君沙上行將白鷺羣白鷺行時散
飛去又如雪點青山雲欲往涇谿不辭遠龍門感
波虎眼轉杜鵑花開春已闌歸向陵陽釣魚晚
宣陵陽山乃仙人竇子明釣得白龍處

送程劉二侍御兼獨孤判官赴安西幕府

安西幕府多材雄喧喧唯道三數公繡衣貂裘明
積雪飛書走檄如飄風朝辭明主出紫宮銀鞍送
別金滅空天外飛霜下葱海火旗雲馬生光彩胡
塞塵清計日歸漢家草綠遙相待

與諸公送陳郎將歸衡陽

并序

仲尼旅人文王明夷苟非其時聖賢低眉况僕
之不肖者而遷逐枯槁固非其宜朝心不開慕
髮盡白而登高送遠使人增愁陳郎將義風凜
然英思逸發來下曹城之榻去邀才子之詩動
清興於中流泛素波而徑去諸公仰望不及連
章祖之序慙起于輒冠名賢之首作者嗤我乃
爲撫掌之資乎

衡山蒼蒼入紫冥下看南極老人星迴飈吹散五
峰雪往往飛花落洞庭氣清目秀有如此郎將一
家拖金紫門前食客亂浮雲世人皆比孟嘗君江
上送行無白璧臨岐惆悵若爲分

送蕭三十一之魯中兼問稚子伯禽

六月南風吹白沙吳牛喘月氣成霞水國鬱

一作

蒸不可處時炎道遠無行車夫子如何涉江路雲
帆嫋嫋金陵去高堂倚門望伯魚魯中正是趨庭
處我家寄在沙丘傍三年不歸空斷腸君行旣識
伯禽子應駕小車騎白羊

送族弟綰從軍安西

漢家兵馬乘北風鼓行而西破犬戎爾隨漢將出
門去剪虜若草收奇功君王按劍望邊色一作旄
頭已落胡天空匈奴繫頸數應盡明年應入蒲萄

宮

同王昌齡送族弟襄歸桂陽

爾家何在瀟湘川青莎白石長江邊昨夢江花照
江月幾枝正發東牕前覺來欲往心悠然竟隨越
鳥飛南天秦雲連山海相接桂水橫煙不可涉送
君此去令人愁風帆茫茫隔河洲春潭瑗草綠可
折西寄長安明月樓

金陵酒肆留別

風吹柳花滿店香吳姬壓酒喚客嘗金陵子弟來
相送欲行不行各盡觴請君試問一作問取東流水別
意與之誰短長

南陵別兒童入京

白酒新熟山中歸黃雞啄黍秋正肥呼童烹雞酌
白酒兒女嬉笑牽人衣高歌取醉欲自慰起舞落
日爭光輝游說萬乘苦不早着鞭跨馬涉遠道會
稽愚婦輕買臣余亦辭家西入秦仰天大笑出門
去我輩豈是蓬蒿人

別山僧

何處名僧到水西乘舟

一作杯

弄月宿涇谿平明別

我上山去手攜金策踏雲梯騰身轉覺三天近舉
足迴看萬嶺低謔浪肯居支遁下風流還與遠公
齊此度別離何日見相思一夜瞑猿啼

西嶽雲臺歌送丹丘子

西嶽崢嶸何壯哉，黃河如絲天際來。黃河萬里觸
山動，盤渦轂轉秦地雷。榮光休氣紛五彩，千年一
清聖人在。巨靈咆哮擘兩山，洪波噴流

一作射東

海三峯却立如欲摧。翠厓丹谷高掌開，白帝金精
運元氣。石作蓮花雲作臺，雲臺閣道連窈冥。中有
不死丹丘生，明星玉女備灑掃。麻姑搔背指爪輕，
我皇手把天地戶。丹丘談天與天語，九重出入生
光輝。東求蓬萊復西歸，玉漿儻惠故人飲。騎二茅
龍上天飛。

金陵歌送別范宣

石頭巉巖如虎踞，淩波欲過滄江去。鍾山龍盤走勢來，秀色橫分歷陽樹。四十餘帝三百秋，功名事

跡隨東流。白馬小兒誰家子，吹唇

白馬

小兒指侯景。景起兵，乘白馬，應青綠白馬詩。陽來之。謠虎嘯鳳凰樓。此景不特借用，倚嘯上東門事。

吹唇句一作秦。清之歲來關因。金陵昔時何壯哉，席卷英豪天下

來。冠蓋散爲煙霧盡，金輿玉座成寒灰。扣劍悲吟

空咄嗟，梁陳白骨亂如麻。天子龍沈景陽井，誰歌

玉樹後庭花。此地傷心不能道，城下離離長春草。

送爾長江萬里心，他年來訪南山皓。

蕭士贊疑以爲非白詩。然

載文苑英華
非偽也

我眉山月歌送蜀僧晏入中京

我在巴東三峽時
西看明月憶我眉
月出我眉照滄海
與人萬里長相隨
黃鶴樓前月華白
此中忽見我眉客
我眉山月還送君
風吹西到長安陌
長安大道橫九天
我眉山月照秦川
黃金獅子乘高座
白玉塵尾談重玄
我似浮雲滯吳越
君逢聖主遊丹闕
一振高名滿帝都
歸時還弄我眉月

赤壁歌送別

二龍爭戰決雌雄
赤壁樓船掃地空
烈火張天照

雲海周瑜於此破曹公君去滄江弄澄碧鯨鯢唐
突留餘跡一一書來報故人我欲因之壯心魄

鳳笙篇送別

仙人十五愛吹笙學得崑丘彩鳳鳴始聞鍊氣餐
金液復道朝天赴玉京玉京迢迢幾千里鳳笙去
去無窮已欲歎離聲發絳唇更嗟別調流纖指此
時惜別詎堪聞此地相看未忍分重吟真曲和清
吹却奏仙歌響綠雲綠雲紫氣向函關訪道應尋
緱氏山莫學吹笙王子晉一遇浮丘斷不還

夜泊黃山聞殷十四吳吟

昨夜誰爲吳會吟風生萬壑振空林龍驚不敢水
中臥猿嘯時聞巖下音我宿黃山碧谿月聽之却
罷松間琴朝來果是滄洲逸酤酒醒盤飯霜栗半
酣更發江海聲客愁頓向杯中失

當塗趙炎少府粉圖山水歌

峨眉高出西極天羅浮直與南溟連名公繹思揮
彩筆驅山走海置眼前滿堂空翠如可掃赤城霞
氣蒼梧煙洞庭瀟湘意沙縣三江七澤情迴沿驚
濤洶湧向何處孤舟一去迷歸年征帆不動亦不
旋飄如隨風落天邊心搖目斷興難盡幾時可到

三山巔西峯崢嶸噴流泉橫石蹙水波潺湲東崖
合沓蔽輕霧深林雜樹空芊緜此中冥昧失晝夜
隱几寂聽無鳴蟬長松之下列羽客賢坐不語南
昌僊南昌仙人趙夫子妙年歷落青雲士訟庭無
事羅衆賓杳然如在丹青裏五色粉圖安足珍真
僊可以全吾身若待功成拂衣去武陵桃花笑殺
人

訓宇文少府見贈桃竹書筒

桃竹書筒綺繡文良工巧妙稱絕羣靈心圓映三
江月彩質疊成五色雲中藏寶訣裁眉去千里提

攜長憶君